



Sanctus Berardus ex illustri comitum de Somsenburg natus, ab ineunte ætate liberalibus artibus operam dedit, & magnam in his eruditionem nactus est. postea animum ad Theologiam applicuit, & plurimum in ea profecit. Itaque Otto tertius Cæsar eum ad se uocauit, atque sacris concionibus præfecit. Erat enim insigni pietate & prudentia præditus. Vnde cum sedes Hildesheimensis uacaret, eius loci episcopus decimus tertius electus est. Eius etiam consilio Otto usus, primos electores imperij constituit. Hic Berardus suam Ecclesiam miris modis euexit & ditauit, atque canonicis sua beneficia constituit. Præ-

terea ex suis bonis S. Michaelis monasterium fundauit. quamuis autem is natura benignus & pacificus esset, tamen cum Vuilgiso archipræsuli Moguntino plurimas contentiones habuit. Idque ob monasterium Gandesheim renouatum, quod suæ ditionis hæctenus fuerat. Nam eius loci abbatissa Ottonis Cæsaris foror eò Moguntinensem uocarat, ut nouum templum dedicaret.